



Broj: 01-02-1-87/25

Sarajevo: 14. 1. 2025.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVIN.
SARAJEVO

PRIMLJENO: 14-01-2025			
Organizaciona jedinica	Klasifikaciona oznaka	Redni broj	Broj priloga


ZASTUPNIKU
U ZASTUPNIČKOM DOMU
PARLAMENTARNE SKUPŠTINE
BOSNE I HERCEGOVINE

Predmet: Prijedlog zakona o dopunama Zakona o parlamentarnom nadzoru, predlagatelj: zastupnici Jasmin Emrić, Zlatan Begić, Elvisa Hodžić i Šemsudin Mehmedović, dostavlja se

Poštovani,

Sukladno Odluci Kolegija Zastupničkog doma Parlamentarne skupštine Bosne i Hercegovine u privitku vam dostavljam Prijedlog zakona o dopunama Zakona o parlamentarnom nadzoru, predlagatelj: zastupnici Jasmin Emrić, Zlatan Begić, Elvisa Hodžić i Šemsudin Mehmedović, broj: 01-02-1-87/25 od 6. 1. 2025., koji je Odjel za lektoriranje Tajništva Parlamentarne skupštine BiH lektorirao na bosanski, hrvatski i srpski jezik.

S poštovanjem,



Privitak:

- Prijedlog zakona

Dostavljeno:

- naslovu
- a/a

1. The first part of the document is a list of the names of the persons who have been appointed to the various positions of the Board of Directors of the Corporation. The names are listed in alphabetical order, and each name is followed by the position to which he or she has been appointed. The list is as follows:

Name	Position
Mr. J. H. Smith	President
Mr. W. B. Jones	Vice President
Mr. C. D. Brown	Secretary
Mr. E. F. Green	Treasurer
Mr. G. H. White	Director
Mr. I. J. Black	Director
Mr. K. L. Gray	Director
Mr. M. N. Blue	Director
Mr. O. P. Red	Director
Mr. Q. R. Yellow	Director
Mr. S. T. Purple	Director
Mr. U. V. Pink	Director
Mr. W. X. Orange	Director
Mr. Y. Z. Silver	Director

PRIJEDLOG

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na __. sjednici Predstavničkog doma, održanoj _____ 2025. godine, i na __. sjednici Doma naroda, održanoj _____ 2025. godine, usvojila je

ZAKON O DOPUNAMA ZAKONA O PARLAMENTARNOM NADZORU

Član 1.

U Zakonu o parlamentarnom nadzoru („Službeni glasnik BiH“, broj 25/18), u Poglavlju III. Načini provođenja parlamentarnog nadzora, iza člana 63. dodaju se novi Odjeljak I. Nadzor nad primjenom zakona i novi čl. 63a. i 63b. koji glase:

„Odjeljak I. Nadzor nad primjenom zakona

Član 63a. (Inspekcijski nadzor)

Inspekcijski nadzor i provođenje kaznenih odredbi ovog zakona vrši Upravni inspektorat Ministarstva pravde Bosne i Hercegovine (u daljnjem tekstu: Upravni inspektorat).

Član 63b. (Žalba)

(1) Protiv rješenja Upravnog inspektorata organ i pravno lice (institucija) te odgovorno i ovlašteno lice nadzirane institucije u parlamentarnom nadzoru mogu uložiti žalbu Ministarstvu pravde Bosne i Hercegovine u roku od 15 dana od dana prijema rješenja.

(2) Odluka Ministarstva pravde Bosne i Hercegovine iz stava (1) ovog člana je konačna i obavezujuća, ali se protiv nje može podnijeti tužba Upravnom odjeljenju Suda Bosne i Hercegovine.“

Član 2.

Ovaj zakon stupa na snagu osmog dana od dana objavljivanja u „Službenom glasniku BiH“.

Broj: _____

Sarajevo, ____ . godine

Predsjedavajući

Predstavničkog doma

Parlamentarne skupštine BiH

Predsjedavajući

Doma naroda

Parlamentarne skupštine BiH

O B R A Z L O Ž E N J E

I – USTAVNI OSNOV ZA DONOŠENJE ZAKONA

Ustavni osnov za donošenje Zakona o parlamentarnom nadzoru („Službeni glasnik BiH“, broj 25/18) sadržan je u odredbama člana IV. 4. a) Ustava Bosne i Hercegovine kojim je propisano da je Parlamentarna skupština Bosne i Hercegovine nadležna za donošenje zakona koji su potrebni za vršenje funkcije Parlamentarne skupštine Bosne i Hercegovine po Ustavu Bosne i Hercegovine.

II – RAZLOZI ZA DONOŠENJE ZAKONA

Zakonom o parlamentarnom nadzoru („Službeni glasnik BiH“, broj 25/18) utvrđen je sveobuhvatan i efektivan okvir za sve nadzorne aktivnosti Parlamentarne skupštine Bosne i Hercegovine te je Zakonom jasno utvrđena obaveza nadziranim institucijama i odgovornim licima da sarađuju i poštuju zahtjeve parlamentarnih tijela i same Parlamentarne skupštine Bosne i Hercegovine.

Odredbama ovog zakona propisane su prekršajne kazne za nepoštivanje odredbi Zakona, kako za same institucije tako i za odgovorna lica u nadziranim institucijama.

Nesporna je činjenica da je već godinama učestala praksa nedostavljanja odgovora na poslanička pitanja, posebno u slučajevima kada Vijeće ministara Bosne i Hercegovine, ministri i drugi rukovodioci institucija Bosne i Hercegovine procijene da im se „ne dopada“ postavljeno pitanje. Također, članovi Vijeća ministara Bosne i Hercegovine ne prisustvuju sjednicama Predstavničkog doma, uprkos činjenici da im je upućen poziv da prisustvuju sjednici radi davanja odgovora na usmena pitanja poslanika.

Osnovni razlog za navedeno stanje je činjenica da Zakonom o parlamentarnom nadzoru (u daljnjem tekstu: Zakon) nije utvrđeno koji organ je nadležan da provodi inspekcijski nadzor i kaznene odredbe koje su utvrđene u Poglavlju IV. Kaznene odredbe navedenog zakona.

S obzirom na sve navedeno, predloženim dopunama Zakona utvrđeno je da inspekcijski nadzor i provođenje kaznenih odredbi vrši Upravni inspektorat Ministarstva pravde Bosne i Hercegovine.

Kako je riječ o jednostavnom prijedlogu zakona koji je formuliran na jednostavan način da se može usvojiti u potpunosti u jednom čitanju, u skladu s članom 133. stav (1) Poslovnika Predstavničkog doma Parlamentarne skupštine Bosne i Hercegovine, predložena je hitna procedura.

III – PRINCIPI NA KOJIMA JE PRIJEDLOG ZAKONA ZASNOVAN

Prijedlog zakona o dopunama Zakona o parlamentarnom nadzoru zasnovan je na principima efikasnosti, ekonomičnosti, funkcionalnosti i odgovornosti u radu institucija nad kojima se provodi parlamentarni nadzor.

IV – PROCJENA FINANSIJSKIH SREDSTAVA NEOPHODNIH ZA PROVOĐENJE ZAKONA

Za provođenje ovog zakona nisu potrebna dodatna finansijska sredstva.